



## Սիպիլ

### Ծովուն հանդես

Ծո՛վ, կը սիրեմ ըզքեզ անհուն հուզմունքով,  
Ձի պատկերն ես դուն ալեծուփ իմ հոգվույս.  
Քո սրշուշներդ վարաքներս են, և քու քով  
Միշտ կը գտնեմ գիշերներուս արշալույս,

Քեզի նման թավալելով քարեքար,  
Հորերն ի վար, սարերն ի վեր կը վագեմ,  
Խութքերու դեմ փշրելով անդադար,  
Որոնելու կյանքին գաղտնիքը վըսեմ:

Նյութին տարփանքն ինձնո հեռու կուտա ծույս,  
Իրերն ինչպես՝ լույծ ջուրերուդ երեսեն.  
Եվ տենչանքներս փոթորկի պես մշտացույց.  
Դեպի աննյութ հորիզոններ կը հասնեն:

Երևույթներդ կը վերլուծեմ մաս առ մաս,  
Մոլուցքիդ մեջ ահեղ տենդեր կը կարդամ,  
Եվ երբ գգվոտ հծծյուններով կը հեաս,  
Լուրթ քերծվածն ես լացող սրտի մը տարտամ:

Ո՛հ, կ'ըղձայի նետվիլ խորքիդ մեջ անծիր,  
Ծուփերուդ հետ անհունին մեջ թավալիլ,  
Եվ անձանոթ գաղտնիքներուդ ունկնդիր՝

Լոյս հեշտանքների ընպել կաթիլ առ կաթիլ:

Սուգվիլ, կարդալ, մութ խորշերուդ մեջ անցան,  
Լուռ վեպերը սոսկավիթխար անդունդին,

Եվ օրորված միշտ հանկերգովը մահվան,  
Սփռել գանոնք շիրիմներն ալ անգին:

Այսպես տարված միշտ անկայուն, թափառկոտ՝  
Մեր ափունքեն դեպի հեռու երկինքներ,  
Դեպի ծովե ծիածաններ անուրտ,  
Դեպ՝ աստղափայլ օվկյաններ լուսահեռ:

Ծփծրփալով, փրփրալով, լողալով,  
Գլտորելով փոսեր ու ալքն անհատակ,  
Հավե՛տ սուրալ սարերու սայրն իբրև հով՝  
Այս սրլացքի հեշտանքեն խոնջ՝ այլ անհագ:

1912